




Broj: 01-50-1-15-37/16

Sarajevo, 11.11.2016.

DOM NARODA
PARLAMENTARNE SKUPŠTINE
BOSNE I HERCEGOVINE



Predmet: O b a v j e š t e n j e

Predstavnički dom Parlamentarne skupštine BiH je na 37. sjednici, održanoj 9.11.2016., razmatrao sljedeće tačke dnevnog reda:

1. Zahtjev Vijeća ministara BiH za razmatranje Prijedloga zakona o izmjeni Zakona o lijekovima i medicinskim sredstvima, po hitnom postupku, u skladu s članom 133. Poslovnika, zakon broj: 01,02-02-1-2804/16, od 1.11.2016.;
2. Prijedlog zakona o izmjeni Zakona o plaćama i naknadama u institucijama Bosne i Hercegovine, predlažać: poslanik Damir Arnaut, zakon broj: 01-02-1-1950/16, od 18.7.2016. (drugo čitanje);
3. Prijedlog zakona o izmjeni i dopunama Zakona o Pravobranilaštvu Bosne i Hercegovine, predlažać: Vijeće ministara BiH, zakon broj: 01,02-02-1-2091/16, od 2.8.2016. (drugo čitanje);
4. Prijedlog zakona o izmjenama i dopunama Zakona o udruženjima i fondacijama Bosne i Hercegovine, predlažać: Vijeće ministara BiH, zakon broj: 01,02-02-1-2194/16, od 5.8.2016. (drugo čitanje);
5. Prijedlog zakona o izmjenama i dopunama Zakona o upravi, predlažać: Vijeće ministara BiH, zakon broj: 01,02-02-1-2275/16, od 26.8.2016. (drugo čitanje);
6. Prijedlog zakona o izmjenama i dopunama Zakona o međunarodnom i međuentitetskom drumskom prijevozu, predlažać: Vijeće ministara BiH, broj: 01,02-02-1-2509/16, od 28.9.2016. (prvo čitanje);
7. Prijedlog zakona o izmjenama i dopunama Zakona o plaćama i drugim naknadama u sudskim i tužilačkim institucijama na nivou Bosne i Hercegovine, predlažać: Vijeće ministara BiH, zakon broj: 01,02-02-1-2617/16, od 11. 10. 2016. (prvo čitanje), skraćeni postupak;
8. Godišnji izvještaj Visokog sudskog i tužilačkog vijeća Bosne i Hercegovine za 2015., podnosilac: Visoko sudsko i tužilačko vijeće BiH, broj: 01,02-08-2601/16, od 7.10.2016.;
9. Izvještaj o izvršenoj reviziji učinka o temi: „Praćenje realizacije preporuka revizije učinka“, podnosilac: Ured za reviziju institucija BiH, materijal broj: 01,01/4-16-1-2008/16, od 25.7.2016.;
10. Informacija o direktnim stranim investicijama u Bosni i Hercegovini u 2015. i Izvještaj o aktivnostima Agencije za unapređenje stranih investicija na promociji direktnih stranih investicija u Bosni i Hercegovini u 2015., materijal Vijeća ministara BiH, broj: 01-50-1-15-24/16, od 16.9.2016. (*realizacija poslaničke inicijative usvojene na 24. sjednici Predstavničkog doma Parlamentarne skupštine BiH, održanoj 3.2.2016.*);
11. Materijal Direkcije za evropske integracije BiH:
 - a) Informacija o napretku u procesu ispunjavanja uslova Bosne i Hercegovine na evropskom putu,

- b) Izvještaj o realizaciji mjera iz Akcionog plana za realizaciju prioriteta iz Izvještaja o Bosni i Hercegovini za 2015., DIO A. – Obaveze institucija Bosne i Hercegovine,
- c) Izvještaj o realizaciji mjera iz Akcionog plana za realizaciju prioriteta iz Izvještaja o Bosni i Hercegovini za 2015., DIO B. – Obaveze institucija entiteta, Brčko Distrikta BiH i kantona,
- d) Izvještaj o napretku u provođenju Akcionog plana za realizaciju Reformske agende za nivo Vijeća ministara BiH, broj: 01-50-1-853-1/15, od 21.9.2016. (realizacija poslaničkih inicijativa usvojenih na 16. sjednici Predstavničkog doma Parlamentarne skupštine BiH, održanoj 27.8.2015., i na 19. sjednici Predstavničkog doma Parlamentarne skupštine BiH, održanoj 28. 10. 2015.);
12. Informacija o stanju javne zaduženosti Bosne i Hercegovine na dan 30.6.2016., materijal Vijeća ministara BiH, broj: 01,02-16-1-2639/16, od 14.10.2016.;
13. Imenovanje tri člana iz Predstavničkog doma u Zajedničku komisiju oba doma za postizanje identičnog teksta Zakona o dopunama Zakona o parničnom postupku pred Sudom BiH (predlagač: Vijeće ministara BiH, zakon broj: 01,02-02-1-609/16, od 18.3.2016.);
14. Davanje saglasnosti za ratifikaciju Sporazuma o finansiranju Programa razvoja konkurentnosti u ruralnim područjima (RCDP) između Bosne i Hercegovine i Međunarodnog fonda za poljoprivredni razvoj, broj: 01,02-05-2-2243/16, od 18.8.2016.;
15. Davanje saglasnosti za ratifikaciju Prvog amandmana na Sporazum o finansiranju (Projekat registracije nekretnina) između Bosne i Hercegovine i Međunarodne asocijacije za razvoj, broj: 01,02-05-2-2462/16, od 21.9.2016.;
16. Davanje saglasnosti za ratifikaciju Sporazuma o finansiranju državnog programa aktivnosti za Bosnu i Hercegovinu za 2015. godinu između Evropske unije, koju predstavlja Evropska komisija, i Bosne i Hercegovine, koju predstavlja Direkcija za evropske integracije Vijeća ministara BiH, broj:01,02-05-2-2640/16, od 14.10.2016.;
17. Davanje saglasnosti za ratifikaciju Prvog amandmana na Sporazum o finansiranju (Projekat hitnog oporavka od poplava) između Bosne i Hercegovine i Međunarodne asocijacije za razvoj, broj:01,02-05-2-2641/16, od 14.10.2016.;
18. Davanje saglasnosti za ratifikaciju Sporazuma između Republike Srbije i Bosne i Hercegovine za IPA II Program prekogranične saradnje Srbija – Bosna i Hercegovina 2014. – 2020., broj:01,02-05-2-2642/16, od 14.10.2016.;
19. Davanje saglasnosti za ratifikaciju Sporazuma o finansiranju programa aktivnosti prekogranične saradnje Bosna i Hercegovina – Srbija za 2015. godinu, između Bosne i Hercegovine, Evropske komisije i Vlade Republike Srbije, broj: 01,02-05-2-2643/16, od 14.10.2016.;
20. Davanje saglasnosti za ratifikaciju Sporazuma o zajmu za projekat „Razvoj infrastrukture u Goraždu“ između Saudijskog fonda za razvoj i Bosne i Hercegovine, broj: 01,02-05-2-2658/16, od 17.10.2016.;
21. Davanje saglasnosti za ratifikaciju Sporazuma između Vijeća ministara BiH i Vlade Kraljevine Maroko o uzajamnom ukidanju viza za nosioce diplomatskih, službenih i posebnih pasoša, broj: 01,02-05-2-2683/16., od 19.10.2016.;
22. Davanje saglasnosti za ratifikaciju Sporazuma o trgovinskoj i ekonomskoj saradnji između Vijeća ministara Bosne i Hercegovine i Vlade Kraljevine Maroko, broj: 01,02-05-2-2732/16, od 26.10.2016.

Ad.1.

Predstavnički dom *nije usvojio* Zahtjev Vijeća ministara BiH za razmatranje Prijedloga zakona o izmjeni Zakona o lijekovima i medicinskim sredstvima, po hitnom postupku, u skladu s članom 133. Poslovnika. Dom nije prihvatio da se Prijedlog zakona razmatra po skraćenom postupku, te će biti razmatran po redovnom zakonodavnom postupku.

Ad.2.

Predstavnički dom *nije usvojio* u drugom čitanju Prijedlog zakona o izmjeni Zakona o plaćama i naknadama u institucijama Bosne i Hercegovine.

Ad.3.

Predstavnički dom *nije usvojio* u drugom čitanju Prijedlog zakona o izmjeni i dopunama Zakona o Pravobranilaštvu Bosne i Hercegovine.

Ad.4.

Predstavnički dom *usvojio je* u drugom čitanju Prijedlog zakona o izmjenama i dopunama Zakona o udruženjima i fondacijama Bosne i Hercegovine, sa osam amandmana. Amandmani glase:

Amandman I.

U članu 2., u novom stavu (5), riječi: „(u daljem tekstu: Ministarstvo)“ brišu se.

Amandman II.

Član 6. mijenja se i glasi:

„Član 6.

U članu 9. stav (1) mijenja se i glasi:

„(1) Udruženje mogu osnovati najmanje tri osnivača. Osnivači udruženja mogu biti fizička lica koja su državljani Bosne i Hercegovine i stranci koji u Bosni i Hercegovini imaju boravište ili pravna lica koja su u Bosni i Hercegovini registrirana. Udruženje mogu osnovati međusobno fizička i pravna lica, ali broj osnivača ne može biti manji od tri.“

Amandman III.

Član 8. mijenja se i glasi:

„Član 8.

U članu 12. u stavu (1) u tački h), iza riječi “pečata“, dodaju se riječi: „i znaka udruženja; “.

Amandman IV.

U članu 9. kojim se mijenja član 13. Zakona, u stavu (3) koji postaje stav (2), iza riječi „interesa“, dodaju se riječi: „ koje donose institucije Bosne i Hercegovine“.

Dosadašnji stav (2) postaje stav (3).

Stav (4) mijenja se i glasi:

„(4) Aktivnostima od javnog interesa udruženja smatraju se posebno aktivnosti udruženja koje doprinose promociji: ljudskih prava, prava lica s invaliditetom, zaštite djece s teškoćama u razvoju, prava nacionalnih manjina, jednakosti i ravnopravnosti u borbi protiv diskriminacije, zaštite od nasilja, aktivnosti djece i mladih, borbe protiv različitih oblika ovisnosti, razvijanje volonterizma, humanitarnih aktivnosti, socijalne zaštite, zaštite okoliša, zaštite prirode, zaštite zdravlja ljudi, umjetnosti, obrazovanja, kulture i svih drugih aktivnosti koje se po svojoj prirodi mogu smatrati djelovanjem od javnog interesa.“

U st. (5) i (6) riječi: „iz stava (4) ovog člana“ zamjenjuju se riječima: “ od javnog interesa“.

Amandman V.

U članu 11., koji se odnosi na član 18. Zakona, riječi: „stav 1.“ brišu se.

U tački b), na kraju teksta, interpunkcijski znak tačka zamjenjuje se interpunkcijskim znakom tačka-zarez.

Amandman VI.

Član 12. mijenja se i glasi:

„Član 12.

Član 21. mijenja se i glasi:

„Član 21.

(1) Fondacija koja je upisana u Registar može provoditi programe i projekte od javnog interesa.

(2) Programima ili projektima od javnog interesa smatraju se zaokružene i tematski jasno određene aktivnosti čije provođenje kroz dugoročni ili vremenski ograničeni rok djelovanja daju prepoznatljivu dodatnu društvenu vrijednost kojom se podiže kvalitet života pojedinaca, odnosno unapređuje razvoj društvene zajednice. Aktivnostima od javnog interesa fondacija smatraju se posebno aktivnosti fondacije koje doprinose promociji: ljudskih prava, prava lica s invaliditetom, zaštite djece s teškoćama u razvoju, prava nacionalnih manjina, jednakosti i ravnopravnosti u borbi protiv diskriminacije, zaštite od nasilja, aktivnosti djece i mladih, borbe protiv različitih oblika ovisnosti, razvoja volonterizma, humanitarnih aktivnosti, socijalne zaštite, zaštite okoliša, zaštite prirode, zaštite zdravlja ljudi, umjetnosti, obrazovanja, kulture i svih drugih aktivnosti koje se po svojoj prirodi mogu smatrati djelovanjem od javnog interesa.

(3) Institucije Bosne i Hercegovine na osnovu provedenog javnog poziva, odnosno konkursa, zaključuju ugovore s fondacijama o provođenju programa ili projekata od javnog interesa.

(4) Fondacija koja je dobila sredstva za provođenje programa ili projekata iz stava (2) ovog člana podnosi izvještaj davaocu sredstava i informira javnost putem svoje veb-stranice. Fondacija koja je dobila sredstva za provođenje programa ili projekata iz stava (2) ovog člana u provođenju programa ili projekta može ostvariti poreske, carinske i druge olakšice u skladu s posebnim propisima.

(5) Vijeće ministara Bosne i Hercegovine će, na prijedlog Ministarstva, donijeti podzakonski akt kojim će urediti kriterije za izradu i provođenje programa i projekata od javnog interesa koje mogu provoditi fondacije.

(6) Registrirana fondacija može se spojiti ili podijeliti u drugu fondaciju. Spajanje je osnivanje nove fondacije na koju prelazi cjelokupna imovina fondacija koje se spajaju. Spajanjem, fondacija prestaje postojati, a na postupak spajanja fondacija primjenjuju se odredbe ovog zakona o osnivanju fondacija. Fondacija se može podijeliti na dvije ili više fondacija. Podijeljena fondacija prestaje postojati, a na postupak upisa novonastalih fondacija primjenjuju se odredbe ovog zakona o osnivanju fondacija.

(7) Fondacija može osnovati svoje urede, predstavništva i podružnice u skladu s odredbama statuta.“

Amandman VII.

U članu 25. riječi: „ i 56b.“ brišu se, a u novom članu 56a., u stavu (2), iza riječi „kriterije“ dodaju se riječi: „ i uslove “.

Amandman VIII.

U Prijedlogu zakona na bosanskom i hrvatskom jeziku, u članu 18. koji se odnosi na član 31. Zakona, u stavu (1) tačke: m), n), o), p), q), r), s), t), u), v), w) i x) postaju tačke: a), b), c), d), e), f), g), h), i), j), k) i l).

U Prijedlogu zakona na bosanskom i hrvatskom jeziku, u članu 19. koji se odnosi na član 33. Zakona, u stavu (1) tačke: m), n), o), p), q), r), s) i t) postaju tačke: a), b), c), d), e), f), g) i h).

U Prijedlogu zakona na srpskom jeziku, u članu 18. koji se odnosi na član 31. Zakona, u stavu (1) tačke: y), z), aa), bb), cc), dd), ee), ff), gg), hh), ii) i jj) postaju tačke: a), b), c), d), e), f), g), h), i), j), k) i l).

U Prijedlogu zakona na srpskom jeziku, u članu 19., koji se odnosi na član 33. Zakona, u stavu (1) tačke: y), z), aa), bb), cc), dd), ee) i ff) postaju tačke: a), b), c), d), e), f), g) i h).

U svim odredbama Prijedloga zakona, u kojima je stav normativno-tehnički označen kao redni broj, oznaka stava mijenja se brojem stava u zatvorenoj zagradi u skladu s Jedinstvenim pravilima za izradu propisa u institucijama BiH.

Ad.5.

Predstavnički dom *usvojio je* u drugom čitanju Prijedlog zakona o izmjenama i dopunama Zakona o upravi.

Ad.6.

Predstavnički dom *usvojio je* u prvom čitanju Prijedlog zakona o izmjenama i dopunama Zakona o međunarodnom i međuentitetskom drumskom prijevozu

Ad.7.

Predstavnički dom *usvojio je* u prvom čitanju Prijedlog zakona o izmjenama i dopunama Zakona o plaćama i drugim naknadama u sudskim i tužilačkim institucijama na nivou Bosne i Hercegovine.

Ad.8.

Predstavnički dom *odgodio je raspravu* o Godišnjem izvještaju Visokog sudskog i tužilačkog vijeća Bosne i Hercegovine za 2015.

Ad.9.

Predstavnički dom *usvojio je* Izvještaj o izvršenoj reviziji učinka o temi: „Praćenje realizacije preporuka revizije učinka“. Na prijedlog poslanika Nikole Lovrinovića, *usvojen je* zaključak koji glasi: „**Zaključke Ureda za reviziju institucija BiH na str. 19., 31., 46. i 59. treba provesti do narednog izvještaja, a u suprotnom pokrenuti pitanje odgovornosti nosilaca ovlaštenih funkcija.**“

Ad.10.

Predstavnički dom *primio je k znanju* Informaciju o direktnim stranim investicijama u Bosni i Hercegovini u 2015. i Izvještaj o aktivnostima Agencije za unapređenje stranih investicija na promociji direktnih stranih investicija u Bosni i Hercegovini u 2015.

Ad.11.

Predstavnički dom *primio je k znanju* materijale Direkcije za evropske integracije BiH:

- a) Informacija o napretku u procesu ispunjavanja uslova Bosne i Hercegovine na evropskom putu,
- b) Izvještaj o realizaciji mjera iz Akcionog plana za realizaciju prioriteta iz Izvještaja o Bosni i Hercegovini za 2015., DIO A. – Obaveze institucija Bosne i Hercegovine,
- c) Izvještaj o realizaciji mjera iz Akcionog plana za realizaciju prioriteta iz Izvještaja o Bosni i Hercegovini za 2015., DIO B. – Obaveze institucija entiteta, Brčko Distrikta BiH i kantona,
- d) Izvještaj o napretku u provođenju Akcionog plana za realizaciju Reformske agende za nivo Vijeća ministara BiH.

Na prijedlog Zajedničke komisije za evropske integracije, usvojeni su sljedeći zaključci:

- 1. Predstavnički dom i Dom naroda Parlamentarne skupštine BiH traže od Vijeća ministara BiH i Direkcije za evropske integracije da se prilikom izrade budućih informacija i izvještaja napravi prikaz neizvršenih aktivnosti, s akcentom na razloge neizvršavanja, a u vezi sa sljedećim dokumentima:**

- a) Informacijom o napretku u procesu ispunjavanja uslova Bosne i Hercegovine na evropskom putu;**
- b) Izvještajem o realizaciji mjera iz Akcionog plana za realizaciju prioriteta iz Izvještaja o Bosni i Hercegovini;**
- c) Izvještajem o realizaciji Akcionog plana za realizaciju Reformske agende na nivou Vijeća ministara BiH.**

2. *Predstavnički dom i Dom naroda Parlamentarne skupštine BiH traže od Vijeća ministara BiH da urgira prema nadležnim institucijama u BiH da se što hitnije realiziraju obaveze navedene u Izvještaju o realizaciji mjera iz Akcionog plana za realizaciju prioriteta iz Izvještaja o Bosni i Hercegovini za 2015. godinu, s obzirom na to da većina obaveza nije realizirana ili je u toku realizacije, a za mnoge aktivnosti je prošao rok.*
3. *Predstavnički dom i Dom naroda Parlamentarne skupštine BiH traže od Vijeća ministara BiH i Direkcije za evropske integracije da sljedeće izvještavanje o napretku u provođenju Akcionog plana za realizaciju Reformske agende na nivou Vijeća ministara BiH obavezno metodološki unaprijede omogućavanjem preglednijeg praćenja realizacije Reformske agende.*
4. *Predstavnički dom i Dom naroda Parlamentarne skupštine BiH traže od Vijeća ministara BiH da što hitnije, a najkasnije do kraja godine, dostavi informaciju o razlozima za neprovođenje pojedinih tačaka Akcionog plana za realizaciju Reformske agende na nivou Vijeća ministara BiH.*

Ad.12.

Predstavnički dom *primio je k znanju* Informaciju o stanju javne zaduženosti Bosne i Hercegovine na dan 30.6.2016.

Ad.13.

Predstavnički dom *imenovao je:* Nikolu Lovrinovića, Damira Arnauta i Đorđu Krčmara u Zajedničku komisiju oba doma za postizanje identičnog teksta Zakona o dopunama Zakona o parničnom postupku pred Sudom BiH.

Ad.14. - 22.

Predstavnički dom *dao je saglasnost za ratifikaciju* sljedećih materijala:

- Sporazuma o finansiranju Programa razvoja konkurentnosti u ruralnim područjima (RCDP) između Bosne i Hercegovine i Međunarodnog fonda za poljoprivredni razvoj, broj: 01,02-05-2-2243/16,
- Prvog amandmana na Sporazum o finansiranju (Projekat registracije nekretnina) između Bosne i Hercegovine i Međunarodne asocijacije za razvoj, broj: 01,02-05-2-2462/16,
- Sporazuma o finansiranju državnog programa aktivnosti za Bosnu i Hercegovinu za 2015. godinu između Evropske unije, koju predstavlja Evropska komisija, i Bosne i Hercegovine, koju predstavlja Direkcija za evropske integracije Vijeća ministara BiH, broj:01,02-05-2-2640/16,
- Prvog amandmana na Sporazum o finansiranju (Projekat hitnog oporavka od poplava) između Bosne i Hercegovine i Međunarodne asocijacije za razvoj, broj:01,02-05-2-2641/16,
- Sporazuma između Republike Srbije i Bosne i Hercegovine za IPA II Program prekogranične saradnje Srbija – Bosna i Hercegovina 2014. – 2020., broj: 01,02-05-2-2642/16,

- Sporazuma o finansiranju programa aktivnosti prekogranične saradnje Bosna i Hercegovina – Srbija za 2015. godinu, između Bosne i Hercegovine, Evropske komisije i Vlade Republike Srbije, broj: 01,02-05-2-2643/16,
- Sporazuma o zajmu za projekat „Razvoj infrastrukture u Goraždu“ između Saudijskog fonda za razvoj i Bosne i Hercegovine, broj: 01,02-05-2-2658/16,
- Sporazuma između Vijeća ministara BiH i Vlade Kraljevine Maroko o uzajamnom ukidanju viza za nosioce diplomatskih, službenih i posebnih pasoša, broj: 01,02-05-2-2683/16.,
- Sporazuma o trgovinskoj i ekonomskoj saradnji između Vijeća ministara Bosne i Hercegovine i Vlade Kraljevine Maroko, broj: 01,02-05-2-2732/16.

